

A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

ᠳᠠᠭᠤᠨᠲᠠᠭᠤᠨᠲᠠᠭᠤᠨ ᠲᠠᠭᠤᠨᠲᠠᠭᠤᠨ

Vol. 62 || No. 03

March, 2026

Manipur a tangthupha hing polutte

**How beautiful are the feet of
those who bring good news!**



Rev.Thangkai & Rev.Lungpau

Editor: Rev. Zamlianpau

Kumpuon

“Khrist a kipumkhatna”

[Johan 17:22]

Khristian Tangkou

Vol. No. 62 || Issue No. 04 || April, 2026

A sung thu

Editorial Board

Editor	: Rev. Zamlianpau	- 7629978067
Joint Editor	: Rev. G. Mangmuanthang	- 9862118809
Cir. Manager	: Upa Jamsianmung	- 9862086615
	Nu Niangkhanmang	- 9863934719
Bus. Manager	: Nu Suanneiching	- 8787790520
	Nu H. Naomi Goulianching	- 8413854088
	Mr. S. Joel Lianmang Zou	- 8729906706
	Shie Laangkhanlal	- 9612502599
	Mr. Kapkhanthang	- 8119040460
	Shie Khaiboi	- 9362647470
Cont. Editors	: Rev. Awnkhanhup	- 9383114081
	Rev. Dr. Hangpi Manlun	- 9862910875
	Upa Suankhanmang	- 8730946698
	Upa Thangzasuan	
	Upa Khupsuankham	- 9863193371
	Upa Langkhanmang	- 8787726568

ZOU SYNOD ULIENTE

- **Moderator:**
Rev. Khamminlian
- **Moderator Elect:**
Rev. S. Ginlianmang
- **Secretary (Sr):**
Upa Khaiminlian
- **Secretary (Jr):**
Upa Jamgenthang
- **Treasurer:**
Upa S. Nangkhanlal
- **Statistician:**
Upa Hangsuanthang
- **Executive Secretaries:**
Rev. Zamlianpau
Rev. G. Mangmuanthang

- Editorial..... 01
- Thu tuomtuom & Thumpi ding 03
- Bible Study 04
- Khristian Sakhuo & Science 05
- Pasian Hattuum 10
- Melkizedek Siempulien 12
- UZO Presidential Address 14
- Lutheran & Presbyterian..... 16
- Suunna 20
- ZPWF Column 21
- ZPYF Column..... 24

If undelivered:
Please Return to:
The Editor
Khristian Tangkou, ZPCS Office,
Zomi Colony, Post Box-48,
Churachandpur, Manipur-795128

Copies - 1200

AMAN

Kumkhat ah	- Rs.	100
Post ah	- Rs.	200
Copy khat ah	- Rs.	10
Life Member Fee	- Rs.	1,000
Patron Member Fee	- Rs.	2,000
Memorial gift	- Rs.	2,000

Thusuo zousie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



HASATNA MUN/HUN A PASIAN NASEPNA

Tami article khu Kum 1987- lai a unau kithei siemlou a i kibuoil lai ua, a ahing na muolliem santa Phamsa Rev. Vungzalian in hasatna leh shi leh man tuohtheina mun leh hun a umlai ana gel ahi. Tuin zong buoina tuomtuom tuohte a ding a hantawhna leh etton ding a hoi ding a, i ngaituo zieh leh May ha khu Missionary Day ai toh kituoh in i nua suo kia uhi.

I Laisiengthou uh, Rom 8:35, 37-ah. “Tua hita leh, Khrist lungsietna toh eite hingkhen ding bang e um? Gentheina in hasatna ahisih leh bawlsietna ahiei, kiel leh tah, tahsapna ahiei zauhuoina, ahisihleh shina i ? (T.E.V) V-37. “Khenvotsih sai, khumte zousie ah ei itpa zal in loupitah a aguolzoute ahi uhi” (K.J.V).

Awle, Khrist lungsietna in June ha vel apat in igamsung ah Setan silbawl in hamsatna, shi leh man inn leh lou beina leh shi zauhuoina mun ah i um zing ua; i unau tamtahte’n tuohsietna leh shina tuoh nanleh uh atamzawten dam a um in maban sunzom theidia i um nalai ziehin Pasion min phat in umta hen. Mi tamtahten shina leh manna atuohlai ua, bangdia kei zong shikhalou ka hiei? Mangpa’n kei pentah dam a a hing koi ban ah hing mangnuom adiei chi ngaituo kawm in i hinkhuo uh zat sawm va ui.

Tulai i dinmun uah zauna leh lungkhamna ah i um ua; hinanleh Pasion i kihumbitna leh i Mangpa ahi chia bel leh muon in i neituom diehlou uh a bang hi. Tulai i dinmun u’leh a umdan atung a i Bible tangtel toh kikal ade aw chi’n ang ngaituosah hi. Mi tamtah in igam buoina ziehin i Pasion gam nnasepnate tawpthei mai ding bangin igingta ua, tampen

mihing ngaituona in gintat thei ahia, hinanleh tampen setan siltup leh ngiim, adeidan ahi chi theizing va ui.

I Bible tangtel hoitah a zui a, tua i dinmun a ana ding ngai i unau Mizo Synod te enva ui. Kum 1966-kum in Aizawl khopi Solkal in ahal ua, singtang gamteng grouping bawl in khuo tamzaw ahalvam sah uhi. Tua kum in anntang selkhat (kg)- I man khu Rs. 15/- ahi a, tuazong lei ding umlou nalai, chiin buoilaitah a Pastor 2 (ni) khat Aizawl a umleh khatpen singtang a umten anghil uhi. Tuanah a mauten agenziel na uah sawm-a-khat leh Missionary target te kitung zoulou in a umkha de aw chia mi tamtah in angatuo lai un, hattuomte, Khrist toh hasatnate, kiel leh tahte gentheinate, bawlsietnate, tahsappnate, shinaten akhenthei sih a, Khrist zal in guoljawlna loupitah tangin, kumdang teng sang in Pasion gam nnasepna silpieh ah ka hatzaw uh achi uhi. Gawtuoi leh Hakai Ann in kane ua, Kg. 1 ah Rs. 3/- in akilei a, nupa kop a gawtuoi khe a, Hakai touten, alien lamlam sawm-a-khat apieh uh leh Kg. 5 bang aphaathei a, tuapen Rs. 15/- bang apahathei achi uhi.

Eigam a Local Upa khat in a Biehinn uh bawlina dingin LCC member teng in Rs. 30/- chiet kithawvai achi uh leh ken sum neising, seki zong neising achi a, Kiginni a a bawngtal Rs. 1500/- a akhoh in, Pasianni a a Biehinn a kaikal ua gutaten asum teng (bawng man teng)-ana guhpieh/sah ua, na asa mama, a Hattuom te kung ah lungsiettah in jangna dopna in Rs. 500/- beh hing panpi un chin a ngen hi. Tuatahin, nupi khat in “Pasion ni-a Biehinn bawlina ding Rs. 30/- chiet tuohvai i chileh seki zong neising nachia, na bawng man Sawm-a-khat lah Biehinn ah nangtawi sih a, Pasion adia neilou, gutate adia nei nabouveh” achileh ahaam ngam nawnsih hi.

Unau i hamsatnate leh i nopsahnaten Khrist itna toh hing khenkhava, kingaituo phava ui!! Tunia inei ilamte Pasion leh agam adia i pieh ngamloute mei in akahtum mai ding hikhava, ahilou leh Pasion leh eima ma in zong ideiloupen mi shina ding thauvui thautang leinadia i utlou sasa a ipieh hing ngai khava!! Pasion in khat maimai, aneisun a Tapa angpie a, eiten zong ineisun sum leh i neisate uapat in Pasion ate leh agam a dingin peva ui, I hamsatnaten Mizo te bangin Khrist itna toh eikhensih hen. Guolzoutu hiva ui. Amen!!!

.....

Thu tuomtuom leh Thumpi dingte



1. Pasian lungsietna leh mapuina toh March 2026 zang zou in April ha ah i lut tou kiata ua, a hing tung ding May ha sung ah Missionary Day May 7, 2026 leh ZPWF Day May 10, 2026 hing tung pai ding ahina ah tam tan hing puitu i Bieh Pasian mi phat in a kung ah lungdam thu i tut masa uhi. Tam hunbi poimawte Pasian dei dan a mang ding leh eima kitawisangna ahilouleh gent hei-tagate a ding a mittui luon ni hilou a, Pasian tawisangna leh genthei tagate panpina hun leh Pasian a ding a kipiehkhieta hun a zang thei ding in thumna toh pang va ui.
2. Pasian mapuina toh Zou Presbyterian Church, Pillangkata (Guwahati Area) Hattuum khu March 01, 2026 in honkhieta ahia, tua ahi toh kituoh in a Hattuum ding tha ahina ah mimal hi in Hattuum hitaleh panpina pete tengteng tung ah lungdam thu i gen ua, a poimawte uh bangchih lai pou a panpi thei zing ahi chi i kitheisah leh i kingetna uh ahi.
3. I kikhaikhawmna uh The Presbyterian Church of India, General Assembly Khawmpi leh Jubilee kithuo April 28-3rd May, 2026 sung um ding ahia, tam Khawmpi lien kim ni dan a um zel pan lawching tah a zaw ahi theina ding in thum chiet va ui.
4. I Mangpa Jesu thugen tangtung zel in gam leh gam, nam leh nam kidou in thuthang damlang tuomtuom a hing um a gingtute i umna chiet ua gin-um tah a Mangpa a ding a um chiet ding in thumna toh pang chiet va ui.
10. Pasian lungsietna leh mikiphalte zal in Missionary Field a Biehin lamna ding a sum tuoh kibelap zel a, Mission & Evangelism Committee thuphasah bang in Biehin lamna kipan paita ding ahina ah lam zaw ahi a, i Mission Field ua gingtaten Pasian a bieh ding bang tah ua a bieh theina ding un i thumna uah laan chiet va ui.

BIBLE STUDY

(Eccl. 12:105)

*By:- Upa Khupsuankham
LDCC Hiangzou.*

“Khangdawngnahlai in angseimpa thei zing in...” Khawngdawng hilai hun khu thahat lai, sisan hatlai leh thagum neilai ahia, tuami hun sungin silsie/silhoi tampi bawldoh thei ahi. Tam Bible mun in silhoi lam ah kahngthate apei ut a, tuaziehin Pasian vahmangsan lou ding ahatna ahi.

Ni hoilou aang tung ding a, tua nihoi lou ang tung ding in nanga dinga kana bawl dasam ing e, chi’n kisiana tampi angtnun ding hi. Tuami hun chiengin:

- Ni alou, khuo avahlou abangta ding hi.
- Meilum atheng ta ding.
- Chimaw in na baante atuun ta ding a.
- Na kengte ahing kha ngetngut ta ding hi.
- Naha hing tawng va’n ann nadu bang bang in nethei sih va chin.
- Namit hing miel va’n khuo muthei sih va teh.
- Na bil hing bingin khuo zasih va chin.
- Na hansannate bei in meipuohta vateh.

Atung a teng mihingte hindan ahia, khanglai hunsung leh thahat lai hunsung in i upat inupi/ipapi nuachienga itahsa, ihinkhuo ua dinga silhoi leh goumanpha kikhoh ding ahia, ihat non lou chieng ua, ka hatlai in:

1. Lai anaha sim khata leng.
2. Ka nu kapa thu ana mang ta leng na chi lou a, na kisia louna ding in
3. Pasian ana thei taleng ana piengtha taleng chia na ki awlmaw louna didngin.
4. Ka khangdawn lai in umdan hoi in ana umta leng chia na ngaituo tuo lou na ding in.

I kisia chiengin atamzaw akikhel ahita hi. Khangdawng tampi tahavah mang uhi. Pasion leh anu apa theilou in banglam banglam ah e?

1. Numei leh pasal hinkhuo a zalenna ah.
2. Innsung a nu leh pa kithuohpi lou a, kholai a bawl ding bei bang a soka kap, laithai kap, sudawn, guta, a thumanlou genna a hunsubei.
3. Laisiem lailai a ama leh ama kihing bawl a dintawp a azawp nonlou, hun awl umsun hinkhuo a ding a makhuol tah a manglou a ‘mahthah’.

“Aw khangdawng, na kisia chiengin na phawbit zou n si ding hi. tupet in na hun mandante ngaituo pha in kisiemtha in”.

.....

KHRISTIAN SAKHUO LEH SCIENCE (CHRISTIANITY & SCIENCE)

By:- - Dr. S. Thangboi Zou

Laisiengthou simding: Psalm 19:1, Proverbs 3:19–20, Genesis 1:1

Thumapui:

Tunin itenna leitung pen science leh technology in thupi tah in vai hawm ta hi. Smartphone te, huikhuo (space) a khuolzinna te, damdawi lam siemnate leh bawltawm pilna (artificial intelligence (AI)) te toh, science in eite ngaituona, zilna leh nichin ihinkhuo manna ah hatangpi in thu a neita hi. Tambang hun ah, khanglai ten alungsim uah dohna khat nei uhi: Science leh Khristian ginna akikal amah? chi ahi.

Mi khenkhatte’n ginna (faith) ahisihleh science, khatpen-pen deitel ding in a ngaituo leng uhi. Hinanleh, Khristian sakhuo (‘Christianity’ chia zong igel lel ding) leh science pen melma hilou in, hoitah in thei in ngaituo tha lei, khat leh khat kizop leh kipanpituo ahi dan uh kilang hi. Anigiel in Pasion silsiem lamdanna, akitupna(order) leh

atupna (purpose) te ahing hilchien thei uhi. Science in silsiemdan (creation) ahing ensah a; Khristian hina in Silsiamtu (Creator) leh Ama’ lunggeel ahing hilchien thei hi.

1. Science leh Khristian Ginna: Science pen leitung silsiemte (natural world) zilna ahi a, etna (observation), etkhietna (experimentation) leh ngaihtuona

(reasoning) zangin aki zil hi. Science in dohna tampi abawl hi. Vannuoi (universe) khu bangchidan a hing um e? Silzousie bang a kipat siem ahi ei? Hinkhuo (life) in bangchidan kalsuon ahiei? chi dohnate bawl hi. Khristian ginna pen leitung leh vannuoi a silteng Siemtu Pasian leh mihingte kizopna theikhiet sawmna ahi. Tami'n zong dohna tuomtuom nei hi: Eiten bang'a dinga hinna inei uh ahiei? Koiin ang siem e? I tupna (purpose) bang ahiei? Bang pen dih a bang pen dihlou ahiei? chi dohna siem hi. Tuazieh in, science in silte bangchidan in ahing tung/pieng diei chi a hilchien a; Christianity in silte bang dinga a um ahiei, chi hilchetna abawl hi.

2. Pasian: Silteng Siemtu (The Author of Creation): Bible ahileh Thu manpha mama khat toh kipan ahi: "Achiil in Pasian in lei leh van A siem hi" (Genesis 1:1). Tami thutah-bulpi khu'n vannuoi a silsiem tengteng apieng-tawm maimai hilou in, ngaituona leh pilna nei pum a Siemtu khat khutsuoh ahi, chi ahing hil hi. Science in Dan (laws) tampi a mudoh a, tuate khu, gentenan — Gravity (leitung in hiipna anei dan), Motion (kalsuonna dan), Energy (thahatna dan), Genetics (pienken/pienpi dan), chite ahi.

Khristiante'n tami Dante ahing umtheina bulpi pen, Pasian in leitung khu fel tah leh Dan-nei taha abawl zieh ahi, chi'n igingta uhi. Inn khat in alam/bawltu (architect) umdan leh alunggelte alahsah bangin, silsiemte'n zong a Siemtu Pasian lunggel lej athupinate langsah hi.

Science in dohna tampi bawl a, tua dohnate'n Pasian lamdang (wonderful) ahina khu eite ahing theisah semsem hi: Etsahna in, Galaxy tampi umte leh a letdante in Pasian letdan a ensah hi. DNA umjie theisiem hamsatdan in Pasian' pilna a phuong lang hi. Ecosystem-te kituoh tah a umkhawm leh kileptuohna (balance) in Pasian in asilsiemte kembit, ngaisah leh tengkhomsah ahidan hing ensah hi. Tuazieh in, Science lam zilna leh siemna pen Pasian biehna (worship) chi khat bang ahi, achi hiel uhi. Tuami biehna bang pen ahi ei, ichileh: Pasian nasep - a hoina, a kituupna leh a pilhuoinate - phat leh pahtawi zing khu biehpiehna chikhat ahi.

3. Khristian-Scientist Minthang Khenkhatte: Science leh Christianity kizopna izil ahileh, khovel a scientist minthang tampite Khristian Ginna a kikibulphu ana hi uh imu chiengin thanop huoi mama hi. Scientific

nasep khu Pasian thu toh kikallou ahidan agen ua, thamlou in, Pasian silsiemte thei semsem nading lampi ahizaw hi, chiin gen uong mama uhi. Amaute hinkhuo patsa in khangthaten sience zil kawm a Pasian it leh ngaisah thei ihi, chikhu iki hanthawwna khat hihen.

3.(i). Isaac Newton (1643–1727) – Motion leh Gravity Dan

Isaac Newton pen khovel a scientist lien pente lah ah khat a sim ahi. Ama'n sil kalsuonna dan (law of motion) leh leitungin hipna anei dan (universal law of gravitation) a muhdoh hi. Tami dante in, leitung a silte'n (objects) bangchidan a kal asuon uh ahiei — singkung apat apple bangchi kiehsuh a, bangchidan a nichin a planet-te Nisa kimvel a kivial-kuol zing uh ahiei, chite hing hilchien thei hi. Hinalah, Newton pen science lam mai a thupi ana hilou in, Pasian thu zilna (theology) lam ah zong lunglut mama-mi anahi ahi. Kum tampi Bible ana zil a, science thu sa'ng in Bible hilchetna laibu tampi ana giel zaw hi. Newton in, leitung leh vannuoi (earth & universe) a silsiamte khu Pasian in Dan kituptah aguong dungzui a kalsuon ahi uh, chi in a gingta tin-ten hi. Tambang in zong ana gen hi: “Nisa, planet-te leh comet-te hoitah nou a kiguoeltuoh

dan pen, Siemtu pil leh thahat khat lunggel leh vaihawmna zieh lou in umtheilou ding hi,” chi hi.

Newton ngaidan in, science Dante (scientific laws) muhdohna pen, Pasian in silsiamte feltah leh kituptaha abawl ahidan mukhietna khat ahi. Tuazieh in science lam a pilna mudohna (scientific discovery) in Pasian khu Siemtu feltah leh piltah ahidan hing gingta sah a, hing hatsah sem sem hi.

3.(ii). Johannes Kepler (1571–1630) – Planetary Motion

Kepler ahileh vanlam zilna (astronomy) a ding a mipoimaw khat ahi. Aman planet-te kalsuonna Dan (laws of planetary motion), planet-te bangchidan a nisa kiim a kivial (orbit) ahi uai, chi ana mukhie hi. Aman asepa khu Pasian' hatna (calling) dan in la hi. Athugen chiemte tham ching khat ahileh: scientist ten Pasian nua ah, Pasian lunggelte bang chibang ahiei, chi sui uhi, chi hi. Aman agingtat mama khat ahileh, Pasian in vannuoi khu angka melhoina (mathematical beauty) toh asiem ahi a, tami thu izil khu bieh piehna khat ahi, chiin pomkip hi. Tuazeh in, science ahileh Pasian sibawltheina leh siemna pahtawina chikhat hithei hi.

3.(iii). James Clerk Maxwell (1831–1879) – Electromagnetism

Maxwell in theory of electromagnetism kichi ana mukhie hi. Tuakhu electric, radio, TV leh tulai kihouthaina vanzat a dinga poimaw leh suongphum bulpi khat ahi. Ama ahileh Pasian theimi, Khristian gin-umtah ahi ban ah, Pasian silsiemte etlawmna pansa in Pasian thupina genlatna ding in laavui tampi ana giel hi. Aman khovel a science nasep (scientific work) khu mihingte adi'a nnahoi sepna leh Siemtut Pasian zabawlana chii khat ahi, chi hi. Tuamabang in, science siemna leh theinate khu khovel in guozawlana atanna leh Pasian patawina dinga zah thei ahi, chikhu imanghillou ding uh ahi.

4. Silkidangte leh Scientific Dante (Miracles and Scientific Laws)

Science ahileh khovel peidan dungjui a Dan umsate (natural laws) a kingah ahi. Hinanleh Khristianten sillamandang chituomtuomte (miracles), khovel Dan khellang a Pasian nasepnate, gentena in suhdamna, huipi khawlsahna, misisa thokiana, chite genkhah in kinei hi.

Miracles khu science vaailou ahiei mah? Hi vateh lou hi. Pasian in natural law-te asiem ahileh,

tamauhte tung ah zong thuneina/thaneina nei hi chi thei vai. Tuazieh in, miracle ahileh science toh kikal sese lou in, Danpetu Pasian nesejna khat ahizaw hi.

Gentena khat envai –

- Itahsa sung a umteng in ngaina bang in nna sem ahidan science in ei hilchien hi.

- Miracle khu Pasian in Ama tupna (purpose) khat muolsuohna ding in umsah thei hi.

Miracle-ten sil peidan dihlo/pangailou ahidan ensah hilou in, a silsiem tung ah asiemtut Pasian hingkigol (involved) ahina ensah zaw hi. Robert Boyle (1627–1691) – Father of Modern Chemistry, chia kihanpa in 'silteng umdan leh peidan ngaina (natural process) khel lam ah Pasian in sil bawlthei ahi' chi gindan hoitah in apomkip hi.

Bible sung ah Pasian sillamandang bawl tampi muthei in um hi. Mangpa Jesu in zong sillamandang tampi ana bawl hi chi imu bang in tunin eite lah ah zong Hagausieng in sillamandang tampi bawl thei a, zong abawl zing hi. C.S. Lewis in: "Miracle-te khu leitung buppi a laiteng kigiel, eite simding a lien sengseng ahizieh in, laiteng neu a hing kigen kia toh kibang ahi", chi hi.

5. Christianity leh Science

Kikalna zieh Khenkhatte Science leh Christianity khu apeikhawm thei ahita leh, bangzieh a kikalna (conflict) khatvei teng a hing um zel amah? Azieh them khat um hi:

5(a). Bible thu ahilou lam a lahna Khatvei vei miten lavui leh chiemtena thumalte science tobang in sim khajel uhi. Bible tup pipen khu hagaulam a thutah bang ahiei chi zilna ahia, science bang a silteng akip-leh-akawi zilna

in, mi khenkhatten science in dohna chikim adawnna nei hi, chi ngaidan dihlou anei zieh uh, ahisihleh, alangkhat ah, gingtu khenkhat in science pansa a theichetna (evidence) khu ngaituona zangloupui a amawh pawng nuol zieh uh ahi tangpi hi. Lungsieng tah a Pasian thu leh science i-etkhom ahileh buoina ding bangma umlou hi.

6. Khangthate thei ding thu poimawhte:

(a) Science mawh zau ding ahisih hi. Biology, physics, astronomy zilna in na ginna suseh lou ding hi. Thudih leh thudih kikal ngailou hi.

(b) Dohna bawl in. Sil ithei-utna in Pasian jaasah lou hi, Lungsieng

hilou ahi, chi chiemte va ui.

5(b). Science in abat-phah lou sil um hi Science in etthei (observable) leh chepthei (testable) silte ahing hilchien thei a, hinanleh silpoimaw dang, atahtah a um - itna, hindanhoi, tupna, ahisihleh Pasian umpina, ichite khu hing hilchien theilou hi.

5(c). Mihing Kisahtheina (Human Pride)Kikalna/kituohlouna khu science apat hing kipan hilou

tah a dohna in ginna thuhsah zaw hi.

(c) Silkhat phot avalseng a hoi sih hi. Science in silbangkim hichien thei ding in ngaituo sin. Tualeh science khu theichien masa loupuiin mawh nuol sin.

(d) Siemzilna khu bieh-piehna bangin ngai in. I tahsa sung a hii-te (cells), van a ahsite, lei a ecosystem-te na zil chiengin Pasian khutsiem dante zil nahi, chi kithei in.

(e) Na siemna khu Pasian a dingin zang in. Doctor, engineer, sangsie, telsuimi leh adangdang hinanlehchin zong, science khu mihingte panpina ding leh Pasian patawina ding in zang in.

PASIAN HATTUOM

Nasepte: 20:28

By:- Upa Thangzasuan, Vaal Veng

Tuaziehin noute pilvang unlen, Belam honte zousie ching un. Pasian Hattuum Ama sisan a aleisate vah dingin Hagau siengthou in ama uh te lah a kipan in Belampu hi dingin noute ahing guot hi, achi hi.

Thumapui: Pasian thu ichi pen sakho vai ahia, mihingte a dingin poimawna giltah anei hi, ibawl hoi uleh, idam sotpi ding uh ahia, inopsahpi ding uh zong ahi, i minthanpi ding uh ahia, guoljawlna itan na ding uh zong ahi, Pasian ta ihi na ding uh ahia, kumtawn hinna itanna ding uh zong ahina lai hi, Pasian thu ichipen thei maimai ding a um a, mangngil votlou ding zong a um tuom sih hi, tuaziehin mangngil votlou ding a poimaw va-ia mai pen genkhawm ulei chi ka hi.

(1) Pilvang un, sakho vai a Pasian ibiehna uah, ipilvan uleh guoljawlna itanpi ding uh ahia, ipil van sih uleh pen sapsietna leh shina tanpha ituoh law ding uh ahi, Kumpipa Saul in pilvang loutah a maitam abawl leh athuneina teng leh ahinna ataan law hi, tuama bang in Israel ten zong apilvang zou lou ziehun gamdai ah tampin ashi law ta uhi, Gul tuh a shi zong tampi apha uhi. Kumpi David apilvang lou ziehin misim ding thu a pie a, siing sagi in ashilaw uhi, tuamabang in

puipa muonhuoi Mousi in zong apilvang zou lou ziehin gamdai ah ashilaw hi. Tuamabang in ei pawlin zong ipilvang zoulou ziehun Apockripha i na pom ua, Korea te bangin pumkhat hilai, phalni in a kisuo law kha ta uhi. Korea te bang a kimelma ding ibang denta uhi. Khoh (poi) hina va-ia e aw, lawmlawm mai, bang zieh ahiai, Mangpa aw bang zieh ahiei? ichi ngam ding uai? (i dawng ngam diai)?

(2) Pasian Hattuum a sisan a aleisa, eipawl in Presbyter Upate thuneina i na kichi uhi. Tuapen Upa khenkhat leh Hausa pawl khat thu mu kisa in ka Hattuum, ka khosung, keima thu achita uhi. Founder member kahi ang chi ngel uh leh pen Hattuum sung khu, ama uh lal gam asuoh sah ta uhi. Tuaziehin imi, isa tampi itaan loh ta uhi. Hattuum pen Pasian a ahia, I Mangpa Jesun a sisan a aleisa ahia, ama athunei pen ahia, alutang zong ahi pai hi. Eite apumpi akhut leh akengte ihi chiet uhi. Pasian aneipa ahi. Manghil votlou ding a thu poimaw va-ia

ahi.

(3) Hattuum I Mangpa Jesu Khrist phu ahi. Mathiu 16:18 simvai nang Peter nahi chi ka hing hil ahi, tami suongpi tung ah ka Hattuum ka lam ding a mishi khuo kulkot khahten tuami azou thaw sih ding hi, Vanggam chabi kahing pe ding a, lei a na kan poumate khu Van ah zong kan ahi ding tualeh leitung a na phel pouma te Van a zong phel ahi zel ding hi achi hi, lei Hattuum leh Van khopi in kiguizopna poimaw tah anei hi. Tuaziehin Vanggam khopi ilut theina ding in Hattuum in poimawna lien va-ia tah anei ahi. Koimah kunga pieh aphal lou i Mangpa Jesun Hattuum te kung ah super power apieh ahi, tuaziehin Hattuum a telloute Vanggam alut thei sih ding uhi.

(4) Lei Hattuum Pasian khopi Eden huon a Adam leh Evi te nupa zing leh nitah teng in Mangpa Pasian in akipawl nelpi den a, nuom asa mama mai uhi. Hinanleh Setan pilvanna zieh in ahing kikhenkhe ta mai uhi. Tuapen i Mangpa Jesun thuoh zou lou hi, tuaziehin asiemsa mihingte leh Van mipite akigomkhawm thei kia na ding in kross tung ah aban a hing zah ta hi, tuami gingtate tengteng leh Pasian khu lei Hattuumte biehinn ah ahing kipawltang nel thei kiata uhi, tuaziehin Mangpa Pasian in

Hattuum khu angai mama mai hi. Genthei liengvaite leh damlou mangbangte hamtapna angaikhiet na mun zong ahia, Meithai taga ten kulpi bang in ibel uhi. Tualeh azong, ahau chi umlu a lung kiguol a ituol lenna Pasian khopi ahi.

(5) Hagau sisngthou tenna ahi Tuaziehin Pasian Biehinn en hamban louna ahi ding ahi, tualeh kihauna, kibuoina in zong ahilou ding ahi. Pasian Biehinn siengthou ahi. Asiengthou ichipen akiphietsieng china hilou dembei, genbaanglou china ahi. Tualeh Dansiem thu leh thagum hat a biehinn sung a Pasian phat votlou ding ahi. Ama tuiloupi op keu, mengke bang ahia, Hagau teng lou ahi khangki hilna pha ahi.

Tualeh Pasian Biehinn siengthou sung a gintat thu leh upmaw thute Pasian thu bang a genlou ding ahi, anakha ngai loute kunga tengkol me tuidan nahil leh ihuon masanga atawzum teng sattan masah ding leh ineh chieng a topkhiet thaw ding ahidan nahil masah sih leh ane thei tuom sih ding uhi. Pasian thu zong tuabang lien ahi. Mibawl theilou lou ding pou genlou ding ahi, mi tulmaw lailai zong khampieh lou ahoi. Mangpan athute hing guoljawl chietta hen. Amen.

MELKIZEDEK SIEMPULIEN

By:- Upa Suankhanmang
Tangpijol

Mangpa akichiemta a, a lungsim ahengkia sih ding hi. Nangpen Melkizedek umdan bang a kumtawn Siempu nahi achi h. Late No. 110:4 Salem lengpa Melkizedek in Tanghou leh zu ahing tawi a, ama pen tungnung pen siempu ahi (Gen. 14:18).

Melkizedek khu mi lamdangtah leh mi mahtah ahi akichi a, Bible ah atanchin Gen. 4:18-20 leh Late No. 110:4 ah akimu hi, Ama tancin akipan in ama khu tungnung pen Pasian siempu ahi a, Abraham ginna a PA in zong sawm-a-khat ana pieh ahi. Tualeh ama Melkizedek khu Jesu Khrist etsahna ahi. Amin ngel zong Jesu Siemputna a ensah hi, tualeh Melkizedek khu Abraham sang in athupi zaw a, Melkizedek in Abraham ana guoljawl a, MelkizedekSiempu hina khu ahing zing a, Sawm-a-khat pieh a umpa khu athupi hi. “NANG PEN MELKIZEDEK UMDAN BANG A KUMTAWN SIEMPU NAHI, chi Late 11:4 A IMUBANG A JESU KHRIST KHU MELKIZEDEK SIEMPU HING BANG A KUMTAWN SIEMPU HING AHI. Salem Lenga chi khu Melkizedek genna ahia, “Salem, umzie khu” LEMNA, china ahi. Salem Lengpa chi khu lemna lengpa china ahia, Jesu Khrist etsahna ahi, Jesu Khrist khu

LEMNA SIEMTU BULPIPEN AHI. Pasian tungnung pen Siempu, Melkizedek Siempu hina khu athupi a, Pasian tungnung pen seimpu ahi Thuhunlui lai a siempute sang in athupizaw hi.

Shinar lengpa Amraphel leh alawmte in Sodom lengpa Bela asim ua, tuachin mi tampi galmat in sal in apui uhi. Tualeh gallah in goutampi zong ala ua, tuate lah ah Abram sanggampa Tapa Lot zong atel hi, tuabang thu Abraham in atheitah in, galsat ding dan achil asiemsa asuohte zathum leh sawm khat leh giette galvan in athuom a, Kanan gam a leng thumte toh Shinar lengpa avasim ua, tuachin Damaska khuo mllam ah ava sim zouta uhi. asal matte uleh agallah sil zousiete uh anualah pieh kiata uhi.

Tuachin Abraham ang kilekia lam in Melkizedek in ana lamdawt a AGUOLJAWLTA HI Gen. 14: Tuachin Abraham in agallah sil zousie lah apat in Melkizedek kung ah Sawm-a-khat apie hi, Abraham

in alawchinna khu Pasian pieh ahi
chi athei a, tuachin a sawm-a-khat
apia hi. Abrahm in Melkizedek
khu Pasian akipan siempu ahi chi
athei a, aguoljawlnate khu Pasian
akpan ahi chi atheichien hi.

Tamna izil thei uh khu LEVI te
masang peh a Sawm-a-khat Pasian
pieh anakipan ahita chi ithei thei
uhi, tuaziehin Jesu Siempu hina
khu LEVI chite siempu hina apat
a aluotou ahisih a, Melkizedek
siempulien ahina apat a aluotou
ahi man in sawm-a-khat Pasian
piehna pen JESU KHRIST Siempu
hina a zong a umtou zel ding
mawng ana hi ahi.

Melkizedek min umzie khu
DIHTATNA Lengpa chi ahiman
in Jesu Khrist min th akibang
mongmong ahi. Jesu Khrist
khu ama tah ngel khu dihtatna
Mangpa ahia, DIHTATNA
ZOUSIE BULPIPA AHI. SALEM
LENGPA MELKIZEDEK KHU,
LEMNA LENGPA AHIA, JESU
KHRIST ETSAHNA AHI. JESU
KHRIST KHU LEMNA SIEMTU
BULPIPEN AHI.

Melkizedek in ama Suongtu
PA chi anei sih a, AKIPATNA
LEH ATOPNA KITHEILOU
AHI ZIEHIN AKHANG GUI
CHIDING UMLOU MIHING
SIEMPU AHI. Hinanleh Bible a
anu leh apa ana kisut khalou hiding

a gintat ahi. Hebru gieltu in Jesu
Khrist simpu hina leh athupina
suhlatna ding a Melkizedek siempu
hina toh ahing tekhin (tekah) ahi,
Levi chi siempu ten akhanggui uh
asut chieng un Aron ah asut lut zel
uhi. Tuachin ama uh Siempu chi
ahi uhi chi akitheina ahi uhi.

Tuamabang in Jesu khanggui pen
kisut nanleh Levi chi, Siempu
chi ah akisut lut theisih hi, Levi
siempu chite toh Jesu tekah
thei guol ahisih a, Melkizedek
in asuongtu khanggui sut ding
aneilou ziehin siempu chi ahithe
sih a, tuamabang in Jesu Khrist
zong LEVI chi ahisih a, Juda chi
leh nam ahiziehin Siempu chi
a kipan suongtu neilou ma ahi.
Tuaziehin Melkizedek siempu
hina khu Pasian Tapa Jesu Khrist
siempu hina toh tekah/tekhin thei
ahizaw hi.

Juda ten Abraham asuongtu uh
bul[ipen angaisang mama ua,
hinanleh Abraham ngel in zong
sawm-a-khat ana piehna pa
Melkizedek khu Abraham sang in
athupi zawhi, chi atahlanghi. LEVI
SUON SIEMPUTNA ABRAHAM
AHING KIPAN SANG IN, JESU
SIEMPUTNA MELKIZEDEK
KPASIAN TUNGNUNG PEN
UMDAN BANG A SIEMPUTNA
KHU ATHUPI ZAW AHI CHI
ATAHLANG HI. Amen.

**PRESIDENTIAL ADDRESS
OF THE UNITED ZOU ORGANISATION**

*BY THANGZAMANG
PRESIDENT, UZO-GHQ*

Amasa pen in chidam ludamna hingpie a, leitung buppi a chile-nam tampi umte lah a ei Zouta te zong nam khat, chi khat a hing siem a hingpui jing I bieuh uh Ipa Pasien min ka phat a, Jesu Khrist zal a Hattuum mi siengthoute zousie chibai ka hing buh hi.

Tuni in When Nations Die laibu apat thu pawimoh neukhat kahing share ding hi. Gamte/Namte khu thakhat in a chim pai sih a, neu nounou in a kiam suh zel hi, chiin a gen hi. Gam leh nam khat a shi kuon chieng in tam anuoi a silte ana um masa hi:

- | | |
|--|--|
| 1. Nundan leh Hagau lam a kiemna/ Moral and Spiritual Decline | ii. Mi ten vaihawmte leh thuneite a zatat nawn sih uhi. |
| i. Gam/nam khat khu nundan hoi a mansuah chieng in, ahatna a bei hiei-hiei hi. | iii. Dan zong a zui tah tah nawn sih uhi. |
| ii. Miten thutah leh Pasian a ngaihsah nawn lou panta uhi. | iv. Dan leh thupieh um lou in, gam/nam a ding thei sih hi. |
| iii. Dih leh dih lou zong aki theikhen tasih hi. | 3. Sum dinmun leh ki vaihawmna a nehguhna/ Economic and Political Corruption |
| iv. Nunphung/nundan det um lou in, gam a ding thei sih hi. | i. Sum lam a buoi a, leiba zong a pung hi. |
| 2. Dan leh Thupieh a sie hi/ Breakdown of Law and Order | ii. Lamkaiten mipite sang in amaute ading a ngaihtuo zaw ta uhi. |
| i. Suol lam leh sil dihluo a tam sem sem hi. | iii. Vaihawmna zong a hat nawn |

sih a, a tha bei ta hi.

- iv. Tuazieh in, Nehguhna in gam a susia nuom mama hi.
- v. Gam-le-nam a ki bulphuna omlou, khangtha te'n gam-le-nam itna dihtah neinonlou in, I nam nasan a kem ding, aki neisah ding mi ki tawm mama ta.
- 4. Tawndan leh laizilna a kietsuhna/ Cultural and Educational Decline
 - i. Zilna zong a basam panta hi.
 - ii. Pi leh pute nundan/tawndan leh i identity (hina) zong a mang hi.
 - iii. Mi ten bang pen dih a, bang pen dih lou ahiei chi zong a theikhen tasih uhi.
 - iv. Lampi kichien nei lou in gam/ nam maban ding a bing hi.
 - v. Artificial Intelligence (AI) ki habawl seng in, pilna-siemna a khantouna ki ngaisahlou. A theiloute lah leitung a hithei tahtah nonlou, AI zieh a laisimna leh CRITICAL THINKING kichi um nonlou deudeu.
- 5. Nei leh lam ngainat sengna in mihing manphatna a mangsah hi/

Materialism and Loss of Human Values

- i. Mi ten sum leh nopsahna mai a ngaituo ta uhi.
- ii. Itna, phatna leh mawpuohna a kiem suh hi.
- iii. Mihing hinna/nunna a manphatdan zong ngaisah ahi nawn sih hi.
- iv. Sum chauh a pawimo pen a suoh chieng in, gam/nam pumpi in a thuohlaw hi.
- v. Khamthei-guithei a sumdawanna, nei-le-lam deina toh NAM zuoh ngam zong tamta.

Itna:

Mosi mihingte itna lienpi nei lamkai ahi. Laisiengthou ah Mosi in pharaoh tanu-tapa hi sang in Pasien mite/ Israel te tawh suhgenthei a um ding atel zaw hi.

Gam-le-nam it kipang/ kibawl tawm mi tampi a um hi. Gam-le-nam it tahtah leh it tahtahlou ithei theina ding uh bang ahiei? Ama bang a kibawl mihingte it a, a tenna uh leitang kembit te khu gam-le-nam it tahtahte ahi uhi.

Tuojieh in gam-le-nam it ichi chieng in imi, ichi-isa it a, a tenna leitang uh humbit sawm chihna ahi hi.

Tamte khu tunia ei Zou tate a ding
in kihilna leh kivauna a ilah ding
uh ahi.

Psalm 33:12

Pasian a MANGPA a nei nam khu
Hampfa ma u e izo! Ama mipi hi
dinga Ama deitel khah a umte
khu mi hampfa ahi uhi!

Thupilte 14:34

Dihtatna in nam a tawisang a;
khelna khu nam nuoikiehna vawt
ahi hi.

LUTHERAN LEH PRESBYTERIAN THEOLOGY

Tv. M. Manglianthang Zou (Mth)

Thumapui

16th century lai in Protestant Reformation (Roman Catholic apat kiphinna leh pawt khietna) tungtawn ah Christian pawl tampi ahing piengkhih hi. Tamte lah ah Lutheran leh Presbyterian Hattuum te zong atel kha hi. Tami article tungtawn ah Presbyterian leh Lutheran pawl hing kipat dan te (silzousie giel kim zou sih nanlei) poimaw isah teng igiel ding hi. A tup pen ahileh kikhen na ding leh kimudana ding ahi sih a, ina kithei khiel na te uh kitheisiem na ding, kiza tat tuoh sem na ding leh ki iit tah a Pasian gam kelet na a pan la khom thei na ding a giel ihi zaw hi.

1. Lutheran leh Presbyterian hing piengkhih dan

1.1. Lutheran Hattuum

Lutheran Hattuum khu Martin Luther in kum 1517 in ana phutkhia hi. Ama ahileh Wittenberg, Germany ah monk leh theology siampa khat ahi. Ama'n Ninety-Five Theses Pawlpi Kotpi tung ah atakhie a, tua pen Protestant

Reformation hing kipatna ahi.¹ Luther in “mihing te'n silhoi abawl zieh a hundam hilou in, ginna (faith) leh Pasian hepina (grace) zieh in hundamna atang hi” achi hi (Rom. 1:17). Tuami kihilna khu Roman Catholic hattuum kihilna

1 John Calvin, Institutes of the Christian Religion, Vol. 1, trans. Ford Lewis Battles (Louisville: Westminster John Knox Press, 1960), 35–42.

toh kikalh kihilna ahiman in ahing potkhie a, Lutheran Hattuum ahing piengkhe hi.² Kum 1530 in Luther nuazuite'n Augsburg Confession a gel ua, tua pen Lutheran hattuum gindan tangpi kigelna ahi.³

1.2. Presbyterian Hattuum

John Calvin kichi pa in Geneva ah 1541 in Presbyterian te Pasian thu kihilna ding te leh ki vaipuoh dingdan ana bawl a, hinanlehzong John Knox in a Scotland ah Hattuum khat hiding in ahing phutkhie hi. Calvin in Pasian thuneina (God sovereignty), Pasian leh mihing te kikal thuhun (covenant theology), leh Hattuum kithunna (church disciplined) api bawl hi. A thuginpi

2 W. D. Maxwell, *John Knox* (London: Thomas Nelson and Sons, 1977), 102–110.

3 *Westminster Confession of Faith* khu 1647 kum in England gam a *Westminster Assembly in a gelkhiet Presbyterian leh Reformed pawl te thuginpi leh kihilna ding thu ahi*. Tua lekhabu sung ah *Laisiengthou thuneina, Pasian thuneina sangpen* (God's sovereignty), *Jesu Khrist tungtawn a hepina leh ginna zieh a hundamna, Pasian in silzousie a guatlawsa ahidan* (election), *Pasian leh mihing kikal thuhun* (covenant), *Hattuum nasep dan, sacrament te leh Christian nun zieh ding dan, kivai puoh ding dan te a hilchien hi*.

te khu Scotland ah John Knox in a ana pawlut a, Presbyterian polity (Hattuum kivaipuoh ding dan) ana siem hi. Westminster Confession of Faith (1647) khu Presbyterian te a ding a doctrinal standard (Kihilna ding) ahi.

2. Doctrine Gingtatdante themkhat

2.1. Siemtansahna leh Pasian in silzousie aguatlawsa ahidan gingtatna (Predestination)

Lutheran leh Presbyterian in Hundamna khu Hepina leh Ginna chouh tungtawn ahi (Eph. 2:8–9) chi a pom ua. Lutheran Hattuum phut khe pa Luther leh Presbyterian Hattuum phutkhepa Calvin te'n ani tuoh un Pasian in apiengtha ding mi atelsa um chi (unconditional election) apom uhi (Rom. 8:29–30). Hinanlehzong mun tuam tuam a um, Lutheran leh Presbyterian Hattuum zousie in tam kihilna apom sieng sih uhi (God sovereign decree, Romans 9).

2.2. Sacrament nite

Lutheran leh Presbyterian in sacrament thupi ni a pom hi. Tuate ahileh, Baptisma leh Mangpa Nita Annsieng (Lord's Supper) ahi.⁴ Mangpa nita ann siengthou ahileh,

4 *The Westminster Confession of Faith* (Glasgow: Free Presbyterian Publications, 2003), 15–18.

Mangpa Jesu thuohna theizing na dia neh ahi.⁵ Baptisma khu atangpi in naupang baptisma leh piching baptisma ani tuoh in apom ua, tualeh tui the tho leh phum lut zong apom veve uhi.⁶

Baptisma thu leh Mangpa Nita Annsieng thu akhun Presbyterian teng in azui dan akibah lai in, Lutheran Hattuum te pomdan akibang sieng sih hi. Etsahna ding in, Manipur Evangelical Lutheran Church in Baptisma khu piengtha khat in apawlam chiemte na ding a, phum thaw a atang (emersion) teitei ding achi uhi.⁷ Tuaban ah, Lutheran Hattuum khenkhat ma in in Mangpa nita ann siengthou a, sang leh zu khu Khrist tahsa leh sisan sua bang in angai uhi.⁸

5 *The Westminster Confession of Faith, Chapter III: "Of God's Eternal Decree,"* (Glasgow: Free Presbyterian Publications, 2003), 21–25.

6 Martin Luther's *Small Catechism*, "The Sacrament of Holy Baptism"; John Calvin's *Institutes of the Christian Religion*, Book IV, Chapter 15.

7 *The Augsburg Confession, Article IV*, in Kolb and Wengert, *The Book of Concord* (Minneapolis: Fortress Press, 2000), 38–40.

8 Martin Luther, *The Small Catechism*, in *The Book of Concord*, ed. Kolb and Wengert (Minneapolis:

Presbyterian pawl in Khrist Hagau a hing um na (spiritual presence) in apom uhi.⁹ Hinanleh, ani tuoh un sacrament khu Pasian Hepina ahi chi a pom uhi.

3. Hattuum kivaipuohdan

Lutheran pawl te khu bishop system in akivai puoh ua, Presbyterian pawl te khu elder system (U pate vaihawmna, session, presbytery, synod, general assembly) ah a kipui jel uhi.¹⁰

4. Ikibahlouna khenkhat um nanleh bang chi ding?

Evangelical Lutheran Church in America leh Church of Sweden bang Lutheran pawl khenkhatte in nu leh nu, pa leh pa kitenna (same-sex marriage) leh Pasal numei kichi a, numei pasal kichi Pastor (homosexual pastor) ordination aphal uhi.¹¹ *Hinanleh Manipur Fortress Press*, 2000), 362–370.

9 *The Westminster Confession of Faith, Chapter XXIX: "Of the Lord's Supper,"* (Glasgow: Free Presbyterian Publications, 2003), 120–125.

10 James Bannerman, *The Church of Christ*, Vol. 1 (Edinburgh: Banner of Truth Trust, 1960), 230–250.

11 *Evangelical Lutheran Church in America, Human Sexuality: Gift and Trust* (Minneapolis: ELCA Churchwide Assembly, 2009), 19–21.

Evangelical Lutheran Church in Bible thu dungzui in “kitenna khu pasal leh numei kikal ahi” chi thu a pom zing hi. MELC in partnership foreign lam te toh nei nan ulezong, tam kizopna khu mission leh kithuza tuoh na ding bou ahi a, doctrine zousie akibang in ana zui tuan sih uhi.

Tamte itheichien lou leh Hattuum khat in a pomlou thute a pom bang ua ngaihsutna um thei ahi. Tuabang theikhielna in Hattuum khat leh khat kikal a kithutuohna leh mission nasepna anongkai sah thei hi.¹²

Presbyterian te’n zong Pasian in silbangkim aguatsa ahi achi vang un, mihingte’n zong ibawl ding um ahi achi veve uhi. Tuami ahileh Jesu Khrist gingtat ding khu ahi. Igingtat leh hundam ihi dinga, hinanleh zong khum zousie khu Hagau Siengthou nnasepna ana hi thuai hi. Tualeh Pasian in silzousie aguatlaw sa chia ut dan dan a um te khu Christian tah tah ahisih uhi, aziehpeng piengtha khat khu Pasian thupina ding a hinkhua zang te ahi zaw uhi (1 John 2:29; 3:9).

5. Theibelap dinga poimaw themkhat

12 Lutheran World Federation, *LWF Membership Directory* (Geneva: LWF, 2022), 115.

Christian te ading a Doctrine poimaw mama nual thei lou te ahilouleh Hattuum te’n apom tei tei ding doctrines (Kihilna) te ahileh, Pasian a mithum um ahina, Jesu khu Pasian tahtah leh mihing tahtah ahina, Hundamna khu hepina zieh ginna tungtawn a tang ahi chi gingtatna, Jesu Khrist shina leh thawkiehna, Jesu khu Mary, nunga siengthou in agaisah ahina leh Laisiengthou khu adih bukim, thunei pen ahi chi pom nate ahi. Tamteng nualna khu Christian tah tah hilou, Hattuum tahtah hilou china ahi.

Tamthu te khu igam sung ngel uazong Roman Catholic te, Judaism, Islam (Pangal), Jehovah’s Witnesses, Oneness Pentecostals, Mormons leh GMFDI te’n atung a atalat te a un pi in apom sih uhi. Tambang ahina ah gentam ngai sese lou a zong adih lou uh china hizouta hi.

Tamte khel lam ah, Baptisma tang dingdan, Bieh inn kai ding dan, Hattuum lamkai ding dan, ne leh dawn thu leh adang te ah khun Hattuum te akibang sieng sih ding hi. Tamte khu Hattuum te’n Laisiengthou toh kituoh in apom dan uh abawl thei ding uhi aziehpeng tuate’n hundamna asukha non sih hi.

Thusinkhupna

Lutheran leh Presbyterian Hattuum te khu Lai-sien-thou tunga kinga Hattuum te ahi. Khantanhohi thu phuongza leh Khrist tawisang ding a lunggulna toh Pasian nnasem ahi uhi. A danglamna neu nou nou anei vang un, Protestant orthodox theology (Pasian thu giltah pomna) sungah a um zing uhi.

Gam tuam tuam leh abi tah in India leh Manipur ah Christian te

atawmpen ihi zing lai un, mission lam ah kithutuohna pawimaw mama hi. Denomination sang a Jesus Christ khu i identity uh tah tah, ikibah na uh thupi pen ahi ding ahi. Jesu Khrist mission nnasep bang leh, Hattuum naphutkhie masa te bang a, Mission nasepna a sildangteng sang a “Khantanhohi” ma khu alai a koizing a Pasian gam kelien Hattuum te hiding in Mangpa’n hing mapui taken.

Suunna

TANCHIN TOMKIM

Upa Dongzapau Palite

Pianni : 18/01/1945

Shini : 15/04/2026



Kum 1945 in Mualnuam khua ah na piang hi. (L) Tualkhogin leh (L) Nienkham te gil a gah goutan 4 lah a a 2 na ahi. Kum 1965 in Pastor Zamkthothang tungtawn in Baptisma na tang hi. Kum 1978 in a it azi Chingkhoman toh kiteng uhi. Kum 1979 in pindan in Pastor Vungkthothang in kitenna nei sah hi.

Kum 1997 in buaina zieh in Imphal ah na pem ua, 12th December, 2005 in Lamphel Imphal ZPCS MGP Presbytery Upa Ordain ding in Rev. Awnkhankhup in Tulbuong ZPCS mun ah ordination na pia hi.

Kum 2023 in buoi zieh ma in Singngat hing tung kia uhi. Tualeh kum 2018 in stroke ah na puo in tunitan lupna tung ah etkol in na um a, tuni date 15/04/2026 dah 8:00AM in a it-a ngai teng nuosia in hing mualliam san ta hi.

Sanggarn Pasal – 3 Numei – 1

Pianpi sanggam te:

1. Upa Chinkthothang
2. Chiinzanem
3. (L) Thangkhom

TUNNU LIMBEL PANPITE

March

1. PWF Zomi Colony, Anntang 79kg leh asum in	Rs.	1,300/-
2. PWF LDCC Hiangzou, Anntang 48half kg		
3. PWF Immanuel Khopi, Anntang 89 kg		
4. PWF Teisajang, Anntang 28 kg		
5. PWF Tuibuong, Anntang 88kg		
6. PWF Saiboh, Anntang 45 kg		
7. PWF Bohlui, Anntang 40 kg		
8. PWF T. Daijang, Anntang 35half kg		
9. PWF Tuining, Anntang 47half kg		
10. PWF M. Buongmun, Anntang tang asum in	Rs.	1,070/-
11. PWF Vaal Veng, Anntang 70kg		
12. PWF Tongdam, Anntang tang	Rs.	2,750/-
13. PWF D. Phailian, Anntang 40 kg		
14. PWF Singngat, Anntang 80 kg		
15. PWF Lunjang, Anntang 31 kg		
16. PWF Mawngken, Anntang 46half kg		
17. PWF Central Church, Anntang 113kg leh asum in	Rs.	2,750/-
18. PWF New Zoveng, Anntang 58kg		
19. PWF Zomi Bethel, Anntang 46half kg		
20. PWF Tuilaphai, Anntang 27kg		
21. Nu Flora Hatnu, UK	Rs.	50,000/-
22. Tv. T. Thangmuonlal, Central Church	Rs.	750/-
23. Tv. Lien George, Central Church	Rs.	500/-
24. Nu Chingzanuom, Central Church	Rs.	100/-
25. Pa Thangzamang, Central Church	Rs.	500/-
26. Nu Lunzangai, Central Church	Rs.	200/-
27. Nu Mangdeiching, L. Gangpimuol	Rs.	4,000/-
28. Nh. Kimdingdi, Central Church	Rs.	1,00,000/-
29. Nu Nemkhonieng, Central Church	Rs.	500/-
30. Nu Zamneihat, Central Church	Rs.	1,000/-
31. Nu Nousuanching, Central Church	Rs.	1,700/-
32. Nu Nianiang, Moreh	Rs.	5,000/-
33. Nu Manneihat, Central Church	Rs.	1,000/-

34. Manggunlian, Delhi	Rs. 3,000/-
35. Nu Chiinmuonkim, Central Church	Rs. 2,000/-
36. Tv. Kaplienmung, Central Church	Rs. 1,000/-
37. M. Chingnu, Shillong	Rs. 2,000/-
38. Nu Mary Taithul, Aizawl	Rs. 25,000/-
39. Tv. Thangmuonlal, Central Church	Rs. 1,000/-
40. Pa H. Kapneithang, Central Church	Rs. 3,000/-
41. Mangdeiching, L. Gangpimuol	Rs. 6,000/-
42. Nu Flora Hatnu, Uk	Rs. 50,000/-
43. Nu Lunzangai, Central Church	Rs. 200/-
44. Nu Chingzanuom, Central Church	Rs. 100/-
45. Pa Thangzamang, Central Church	Rs. 500/-
46. ZPCS Tuining	
i) Nu Niangboi	Rs. 270/-
ii) Pa S. Thangchinpau	Rs. 500/-
iii) Pa Chinkhansuan	Rs. 50/-
iv) Nu Hauching	Rs. 400/-
v) Nu Niangbawi	Rs. 250/-
vi) Pa Nengsuankhup	Rs. 100/-
vii) Tv. Thangminlal	Rs. 150/-
viii) Pa Lianchinthang	Rs. 200/-
ix) Pu Chinsuanmang	Rs. 50/-
x) H Chiinsianching	Rs. 50/-
xi) Pa Manglianlal	Rs. 20/-
47. PWF Central Church, Anntang 113 kg leh Asum in	Rs. 2750/-
48. PWF New Zoveng, Anntang 58 kg	
49. PWF Zomi-Bethel, Anntang 46 half kg	
50. PWF Tuilaphai, Anntang 27kg	
51. ZPCS Muollum	
i. Nu Vunghaulian	Rs. 200/-
ii. Upa Chingenpau	Rs. 80/-
iii. Nu Nuamdeiniang	Rs. 80/-
iv. Nu Niangsian	Rs. 70/-
v. Pa Kailalmuan	Rs. 390/-
vi. Pa P. David Khupsian	Rs. 250/-
vii. Nu Chiinnuamvung	Rs. 220/-
viii. Tv. Tutsuankhup	Rs. 400/-
ix). Nu Hangsuanniang	Rs. 60/-

x). Nu Nianngaikim	Rs. 2,000/-
xi. Hau Diamond	Rs. 300/-
xii. Min Zou	Rs. 30/-
xiii. Niangngaiching	Rs. 100/-
xiv)Niangdeinuam	Rs. 50/-
xv. Chiinneihoi	Rs. 40/-
xvi. Chingngainuam	Rs. 190/-
xvii. Dimhoiching	Rs. 70/-
xviii. Manngaihlun	Rs. 80/-
xix. Nuamkhanngai	Rs. 40/-
xx. Suanlal	Rs. 100/-
xxi. Upa Hangthang	Rs. 20/-
xxii. Dimkchannel	Rs. 20/-
xxiii. Thawngkai	Rs. 10/-
xxiv. Nianghauching	Rs. 40/-
xxv. Chingkhannuam	Rs. 200/-
xxvi. Nu Nemneivung	Rs 20/-
xvii. Nu Vungngailian	Rs 50/-
xviii. Nu Ngaikhanniang	Rs 20/-
xviii. Nu Manngaihman	Rs 100/-
xix. Nu Vungnuamching	Rs 20/-
xx. Nu Chinmuankim	Rs 20/-

Petu zousie Mangpa'n hing guolzawl taken.
 NOTE: A dihlou kha aum le office a suhdih thei zing ahi.

Sd/- Nh. Christina Chinghatkim
 Secretary for Women's Relation

REPORT

1. CKKP ten 14th General Conference 5th – 8th March 2026, D. Phailian ah nei na ua, ZPYF te chial na ahing bawl bang un ZPYF min in Shie Sianminlian Secretary, Tv. Lalbiahthang Asst. Secretary leh Tv. Paominlun Youth Co-Ordinator ten va uop ua tuanah ZPYF min Shie Sianminlian Secretary ZPYF in greetings pia na hun zang hi.

Tualeh Pasion nisun kikhawp in Zou Synod Choir ten zong phatna laa ki lawmtah vasa uhi.

2. PYF General Assembly in kumkhat dan a ana bawl zel PYF Seminar pen tukum ahing tung ding 17th – 19th 2026 April Chiang a um ding ahi ah, Central Tripura Presbyterian Youth Fellowship (CTPYF) ten host ding ahiu hi. Tuami PYF Seminar a pang ding in ZPYF apat palai mi li

- i). Tv. H. Hauminlian
- ii). Tv. Thangsuanlian
- iii). Tv. Kapsuanlian
- iv). Pa Kapminlun

te sawl ding ahi na ah damtah leh lawching tah a ava pang thei na ding un ithumna ua thei chiat va ui.

3. Pasion ma pui na zal in ZPYF Project committee in General Conference hun chieng a zat thei gige ding in Portable Stage bawl pat ahi a, stage khu dei dandan a design heng lamdang thei ding a ki bawl ahi. A sample et thei ding in zaw phawt ahi a, tami sample apat in aban hing ki bawl tou be nalai ding ahi.

Maban a stage hing kibawl tou zel ding ahi na a ZPYF kithuapi nuam/a pan pi ut aum a ahi leh sponsor bawl na ding kot ki hong zing ahi. Tualeh sponsor bawl ding dan azat leh alut di zat te animation video tung tawn a hing ki tah lang ding ahi na a, I ngap dan dan a pan lakhawm chiat ding in zong Pasion min a iki chial sua uh ahi.

PATRON MEMBER-TE

001. Upa Gouzamang	002. Pu Hav. Khamchinkhup	003. Pu Khamzalam	004. Pu Chinzasuan
005. (L) Upa Liansuanpau	006. Pu Khamchinthang	007. Pu S. Dalhang	008. Upa Kapkhanthang
009. (L) Upa Langginmang	010. Upa S. Nangkhanlal	011. Pu S. Lamkhotang	012. Upa Dr. M. Lachinkhai
013. Upa Khamchinjam	014. (L) Upa D.K.Manlun	015. Upa Suankhanmang	016. (L) Upa Khupgou
017. (L) Upa Chinkham	018. Upa Ngulchinkham	019. (L) Rev. V. Vungzalian	020. Rev. Retd. Kamkhosoi
021. Rev. Tualzachin	022. Rev. H. Nengzaton	023. Rev. Awnkhankhup	024. Rev. Dr. Hangpi Manlun Zou
025. (L) Pu Tuanzapau	026. (L) Rev. Ginchinjam	027. (L) Rev. Khamzasuan	028. Upa T. Lamkhotawng
029. Upa Khaichinmang	030. Rev. Stephen Chinzathang	031. Pu Khupkhanmang	032. Pu Khaidohlian
033. (L) Hav. Khamzahang	034. Pi Vungzanuam	035. Pu T. Gouzadou	036. Upa Liensuonkap
037. Pi Zekhochiin	038. Pi Hatkhanvung	039. (L) Pi Ngaihoiching	040. Pi Mankhannieng
041. Pu Goukhanmang	042. Pi Chingzalam	043. Pu S. Thianzakhai	044. Pi Kamkhanching
045. Pu Haukhanpau	046. Pu Tuallianmang	047. (L) Pu Dongkap	048. (L) Pi Chingkhanmang
049. Pi Donkhonian	050. Upa Henzakhup	051. (L) Pu Saichinpau	052. Pu Goumang
053. (L) Upa Khamkhanhang	054. Shie Laangkhanlal	055. Upa Khamkhanlun	056. Upa L. Tualkhanpau
057. Upa Jamsianmung	058. Upa Ginzadong	059. Upa Kaizathang	060. Pi Goizanuom
061. (L) Pi Thangneivah	062. Pu Khamzathang	063. Pi Donchin	064. Upa Liankhanmang
065. Pu Hauchinlun	066. Pu T. S. Lal	067. Pi Goichiin	068. (L) Pu T. Khupchinthang
069. Upa T. Kaizalam	070. Pu Paul Henkholal	071. (L) Pu Soikham	072. (L) Rev. P.C. Manga
073. Rev. Khamchinkhai	074. Rev. Zamlianpau	075. Rev. Chinzapau	076. (L) Rev. Kamkhozam
077. (L) Upa Chinpu	078. Pu Zamkhanthang	079. Pu Chinglen	080. Miss Chinhaunieng
081. Upa P. K. Sawia	082. Pu Goujakhai	083. Pi Niangkhanmang	084. (L) Evan. G.L. Joshya
085. Pi S. Chingkhanmang	086. (L) Pu Vumchinkhup	087. Upa Khaihenthang	088. Upa T. C. Pau
089. Upa Nengchinkap	090. (L) Upa Jamkhongam	091. Upa HT Manga	092. Nu Vahkholling
093. Pu Hauliankap	094. Pi Chinnu	095. (L) Upa Ngulzakhai	096. (L) Upa T. Gougin
097. Pu Ginsuanhau	098. (L) Upa Langminthang	099. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatang Taihul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. (L) Rev. Mangsuanthang	115. (L) Pu Lamchinhou	116. Upa Pauchinlei
117. Nu Kimneihei	118. (L) Upa Kamgenpau	119. Nu Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. (L) Upa Lunchinthang
129. Pu P. Tongthang Zou	130. Pu H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munlao	134. Pu Sianzakhai	135. Upa Thanggingsuan	136. Pu Kapminlun
137. Pi Tingzavah	138. Dr. M. Limlunthang Zou	139. Rev. Hauzalian Manlun	140. Rev. Suanglianap
141. Rev. Ginlianmang	142. Upa L. Mangminthang Zou	143. Upa Goukhanthang	144. M. Thangsuansang Zou
145. Upa T. Kamchinthang	146. Pa Ngamsei		

LIFE MEMBER-TE

001. (L) Upa T. Khupkhenpau	002. (L) Pu M. Ginzahau	003. (L) Pu Selzapau	004. Pu L.C. Pautungnung
005. (L) Pi Khamkhannieng	006. Pi Ngainuam	007. Upa Chinsuanthang	008. Upa Shanti Kumar
009. Pu Kamkohau	010. (L) Pu Khamkohau	011. Upa Khamzathang	012. Upa Chinkhanthang
013. (L) Pu Tongzathang	014. Pi Chiinneilam	015. Upa Kulthang	016. H/Sm. Upa Kaichinpau
017. Pi Niangzalam	018. Upa P. Doukholun	019. Pu Kapminlian	020. Upa P. Nehgin

